

man tröstlich sincken / den die geng vers
adelen sich daselbs / vnd werden fast gül
dig ynn der teuff / so diser geng vn̄ gesch
ickt ausgehend eyns sein wird gegen der
mitternacht / vn̄ das ander gegen dē mor
gen / darüb ist gar redlich das man ortz
weis auslencke auff dem heuptgäg / nach
andern zufelligen geschicken / die yhr aus
gehend vnd fallend habennach bequeme
örtern der welt / wie obē begriffen ist / als
yn manchem gepirg gar viel geschick nes
ben den gegen streichen / vnd fallen von
mācherley örtern der welt.

Wo nun mancherley geschick yn zynē
gepirg bey dem gang sich zusammen lenck
ten / vnd yn der teuff zuhauff eyletē / dar
auff mag mā tröstlich sinckē / sonderlich
so sich die geschick mit Sylber beweysen /
denn yn der teuff ist gar höflich ein gut
ertz zuerbawen.

So aber ynn dem sinckē ein feule keme
der darff man nicht erschreckē / besonder
so sie artig beygeschick behelt / sonder die
selbige feule ganz absincken / bis das mā
den ganck mit seinen geschicken yn dy fri
sche geng wider brigt . So aber ein kam
ym gesenck vorschuss / vn̄ ein hart gepirg
oder ge